

Neprihvatljiva sjednica Predstavničkog doma BiH

Visoki predstavnik, Carlos Westendorp, izražava svoje nezadovoljstvo zajedničkom sjednicom Parlamentarne skupštine Bosne i Hercegovine koja je održana u četvrtak.

Inicijativa da se diskutuje o evropskoj integraciji i Paktu stabilnosti za jugoistočnu Evropu je dobrodošao znak da se delegati približavaju onom nivou angažmana u implementaciji mirovnog procesa koji se od njih očekuje. Međutim, neuspjeh Predstavničkog doma da osigura kvorum na kraju šestosatne debate je potpuno neprihvatljiv. To ozbiljno narušava kredibilitet ovog Doma kako u očima građana Bosne i Hercegovine tako i međunarodne zajednice u vrijeme kada je međunarodna pažnja usmjerena na njih. Visoki predstavnik ne bi trebalo da podsjeća delegate na molbu Bosne i Hercegovine za pristup Vijeću Europe niti na važnost konferencije o Paktu stabilnosti.

Dužnost svih izabranih delegata je da ispunjavaju svoje obaveze. Posebno, oni su obvezni da prisustvuju svim plenarnim sjednicama i svim sastancima radnih komisija i da se aktivno uključe u rad Parlamentarne skupštine uopšte. Dužnosti koje proizilaze iz njihovih drugih položaja ili obaveza imaju drugorazrednu važnost i nisu prihvatljiv izgovor za propust delegata da ispune svoje obaveze. Ako delegati bilo kog doma nisu u mogućnosti da prisustvuju sjednicama, kao što bi to trebali, onda bi trebali dati ostavku, kako bi ta mjesta preuzeli kandidati koji imaju mogućnosti da rade puno radno vrijeme kao delegati. Štaviše, bilo koji delegat koji obstruira funkcionisanje Parlamentarne skupštine, posebno zakonodavnog procesa, će me primorati da razmislim o pribjegavanju korištenju ovlaštenja koja su mi data u Bonu.